



Keppniskilmálar fyrir holukeppni GR 2019

1. gr.

GR heldur árlega holukeppni fyrir félagsmenn 19 ára og eldri. Um er að ræða blandaða keppni karla og kvenna. Leikmenn í holukeppninni fá leikförgjöf samkvæmt þeim teigum sem þeir velja að nota á hverjum hring. Keppnin er með förgjöf og er ætlað kylfingum á öllum getustigum. Ekki er þó gefin hærri leikförgjöf en 28, bæði hjá körlum og konum.

2. gr.

Skráning í mótið fer fram á golf.is. Þátttökugjald er 1.000 krónur.

3. gr.

Hámarksfjöldi í mótið er 256 keppendur. Ef færri keppendur skrá sig til leiks gætu einhverjir keppendur þurft að sitja yfir í fyrstu umferð.

Dæmi 1: Ef 140 keppendur skrá sig til leiks munu 116 keppendur sitja yfir í fyrstu umferð og komast sjálfkrafa í aðra umferð keppinnar, en 24 keppendur leika um 12 laus pláss. Þá leika 128 keppendur í annari umferð.

Dæmi 2: Ef 105 keppendur skrá sig til leiks, munu 23 keppendur sitja yfir í fyrstu umferð og komast sjálfkrafa í aðra umferð keppinnar, en 82 keppendur leika um 41 laus pláss. Þá leika 64 keppendur í annari umferð.

Fjöldi keppenda helmingast í hverri umferð þar til einn stendur uppi sem sigurvegari.

4. gr.

Dregið verður um hverjir mætast í fyrstu umferð holukeppinnar. Þegar búið er að draga í fyrstu umferð raðast sjálfkrafa í næstu umferðir samkvæmt töflu sem birt verður áður en mótið hefst.

5. gr.

Almennir keppniskilmálar og staðarreglur, sem í gildi eru á leikdegi hverju sinni gilda í keppninni.

6. gr.

Fyrir hverja umferð holukeppinnar fá keppendur send símanúmer og netföng keppenda. Einnig verða gefin upp tímamörk fyrir hverja umferð keppinnar, en að jafnaði hafa leikmenn 14 daga til þess að finna leikdag og ljúka leik í viðkomandi umferð. Keppendur sem mætast í hverjum leik fyrir sig koma sér saman um leikdag og leiktíma. Þeir geta komið sér saman um völl, hvort sem er Grafholtsvöll eða Korpúlfsstaðavöll. Einnig geta þeir komið sér saman um að leika á einhverjum vinavalla GR.

7. gr.

Holukeppnin er leikin með förgjöf sem fer þannig fram að mismunur á leikförgjöf keppenda raðast á 18 holur samkvæmt erfiðleikastuðli förgjafar eins og fram kemur á skorkorti. Keppendur taka leikförgjöf samkvæmt förgjafartöflu. Þó skal engin keppandi fá hærri leikförgjöf en 28. Þetta á við bæði karla og konur.



Dæmi :

1. Leikmaður með 12 í leikförgjöf mætir keppanda með 10 í leikförgjöf í Grafarholti. Mismunur forgjafar er 2 högg sem fyrrnefndi keppandinn fær á holu 5 og holu 15, sem eru númer 1 og 2 í forgjafarmati þess vallar. Sá sem á hærri forgjöfina dregur eitt högg frá skorinu á þessum tveimur holum.
2. Leikmaður með 23 í leikförgjöf mætir keppanda með 3 í leikförgjöf ef leikið er Sjórinn / Áin á Korpúlfsstaðavelli. Forgjafarmunurinn er 20 högg. Hér fær fyrrnefndi keppandinn 1 högg í forgjöf á hverri holu og annað að auki á tveimur erfiðustu holunum, sem hér yrðu sú 8. og 15. Á þessum tveimur holum má keppandi draga 2 högg frá skorinu á hvorri þessara tveggja hola.

8. gr.

Tímamörk fyrir hverja umferð eru eftirfarandi:

128 manna úrslitum skal lokið ekki síðar en 31. maí.

64 manna úrslitum skal lokið ekki síðar en 14. júní.

32 manna úrslitum skal lokið ekki síðar en 28. júní.

16 manna úrslitum skal lokið ekki síðar en 26. júlí.

8 manna úrslitum skal lokið ekki síðar en 9. ágúst.

4 manna úrslitum skal lokið ekki síðar en 23. ágúst.

Úrslitaleikur fer fram fimmtudaginn 29. ágúst.

Lokahóf fer fram sama dag og úrslitaleikurinn fer fram, strax að loknum leik.

9. gr.

Eftir hvern leik skal tilkynna úrslit með tölvupósti á netfangið atli@grgolf.is.

10. gr.

Ef keppendur standa jafnir eftir 18 holur skal leika bráðabana þar til úrslit fást, eina holu í senn. Um leið og annar keppandinn vinnur holu telst leik lokið. Bráðabaninn er leikinn með fullum forgjafarmun þannig að forgjöf fæst á sömu holum og í 18 holu keppninni, ef það kemur til þess að leikin sé hola í bráðabana þar sem annar keppenda á rétt á forgjöf.

11. gr.

Mótsstjóri er Atli Þór Þorvaldsson, sem einnig er dómari. Komu upp vafamál meðan á leik stendur má hafa samband við dómara í síma 894-2811. Mikilvægt er að keppendur þekki vel reglurnar og mun á reglum í holukeppni og högggleik. Þekking á reglum er á ábyrgð keppenda.

12. gr.

Sigurvegari hlýtur titilinn holukeppnismeistari GR.

13. gr.

Að öðru leyti gilda móta- og keppendareglur GSÍ.